



## საქართველოს მთავრობის განკარგულება

№601 2016 წლის 8 აპრილი ქ. თბილისი

საქართველოს განათლებისა და მეცნიერების სამინისტროს მმართველობის  
სფეროში შემავალი სსიპ - შოთა რუსთაველის ეროვნული სამეცნიერო  
ფონდის მიერ სახელმწიფო შესყიდვის გამარტივებული შესყიდვის  
საშუალებით განხორციელების შესახებ



„სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „დ“ ქვეპუნქტის შესაბამისად, საქართველოს განათლებისა და მეცნიერების სამინისტროს მმართველობის სფეროში შემავალმა სსიპ - შოთა რუსთაველის ეროვნულმა სამეცნიერო ფონდმა, სახელმწიფოებრივი და საზოგადოებრივი მნიშვნელობის დონისძიების შეზღუდულ ვადებში შეუფერხებლად ჩატარებისა და საერთაშორისო სამეცნიერო პროექტებში ქართველ მკვლევართა და სტუდენტთა ჩართულობის ხელშეწყობის მიზნით, წლიური საბიუჯეტო კანონით, საქართველოს განათლებისა და მეცნიერების სამინისტროს მმართველობის სფეროში შემავალი სსიპ - შოთა რუსთაველის ეროვნული სამეცნიერო ფონდისათვის გამოყოფილი ასიგნებებიდან გამარტივებული შესყიდვის საშუალებით 2016 წლის განმავლობაში განახორციელოს:

ა) „გამოყენებითი კვლევებისათვის სახელმწიფო სამეცნიერო გრანტების“ კონკურსზე დარეგისტრირებული პროექტების შეფასების საექსპერტო მომსახურების სახელმწიფო შესყიდვა;

ბ) „ფუნდამენტური კვლევებისათვის სახელმწიფო სამეცნიერო გრანტების“ კონკურსზე დარეგისტრირებული პროექტების შეფასების საექსპერტო მომსახურების სახელმწიფო შესყიდვა;

გ) „უცხოეთში მოღვაწე თანამემამულეთა მონაწილეობით ერთობლივი კვლევებისათვის სახელმწიფო გრანტების“ კონკურსზე დარეგისტრირებული პროექტების შეფასების საექსპერტო მომსახურების სახელმწიფო შესყიდვა.

პრემიერ-მინისტრი

გიორგი კვირიკაშვილი